

女科指掌卷之四目錄

臨產門

臨產

脉法

先期欲產過期不產

達生

束胎滑胎

弄胎試胎

臨產禁忌

預備藥物

郎君子

安產藏衣吉凶方位

符咒

臨產事宜

皇甫中臨產歌

橫生逆生



交骨不開

催生

子死腹中

附母死子活令
出方

治驗醫案

針灸

楊子建十產論

盤腸產

臨產舌出

胞衣不下

血暈

惡露不下

惡露不絕

血崩不止

玉門不開

附陰傷腫痛

子宮不收

產後腸中痒

敗血流經



女科指掌卷之四

○臨產

困菴葉其綦杏林甫編輯

（干）

歌婦人臨蓐產兒郎。地裂山崩不可當。五臟精神皆運用。一身氣血盡相將。只宜自己存消息。莫使他人亂主張。若是胞乾無血養。芎歸大劑獨參湯。

論妊娠臨月。安神定慮。時常緩步。不可多眠飽食。過飲酒醴雜藥。宜先貼產圖。依位密鋪牀帳。預請老練穩婆。備辦湯藥器物。欲產時。不可多人喧鬧。愴惶。但用老婦。

二人扶行。及凭物站立。若見漿水。腰腹痛甚。是胎離其經。使產母仰臥。令兒轉身。頭向產門。用藥催生坐草。覺飢吃溫粥少許。勿令飢渴。恐乏其力。不可強服催生。早於坐草。不惟產母受寒。又恐兒身未順也。

脈診其脈。轉大如切繩。轉索者。謂之離經。腰痛甚。卽產。方佛手散。真雀腦。川芎二兩。全當歸三兩。水煎服。

臨產方甚多。惟此爲第一。寒則熱服。以煖之。暑則溫服。以涼之。虛則多用。熬膏以補之。實則少用。煎湯以通之。譬如操舟。風之順逆。橫斜。水之淺深。緩急。自有權宜也。

○脉法

臨產六至。脉號離經。或沉細滑。若兼卽生。浮大難產。寒熱又頻。此時凶吉。急於色徵。面頰唇舌。忌黑與青。面赤母活。子命必傾。若胎在腹。子母歸真。唇冷吐沫。胃已遭刑。神丹摠服。莫訝勿靈。

妊娠六七月。脉實大牢強弦緊者生。沉細無力者死。臨產勻細而滑者易產。浮大而濇者難產。

欲產之婦。脉離經。離經之脉。分明認其來大小不調勻。或如雀啄屋漏。應腰痛腹痛。眼生花。產在須臾。却非病。

墮胎倒仆或舉重致胎死在腹中居已損未出血不止
仲心悶亂母魂孤有時子死母身存或者母亡存子命
弦緊牢強清且寔沉細而微死不治欲產之婦脉離經
沉細而滑也同名夜半腹痛應分娩來日日午定知生
身體多熱寒又頻舌下之脉黑復青唇舌上冷子當死
腹中須遣母歸冥面赤舌青仔細看母活子死救應難
唇口俱青沫又出母子俱死摠高拚面青舌赤沫出頻
母死子活定知真不信若能看應驗廼知賢哲不虛陳

○先期欲產過期不產

歌先期欲產如何治。涼血安胎是妙方。設使過期還不產。調元補血勿徬徨。

論大全曰。孕婦有七月八月而生產者。有一年二年至三四年而後產者。各依法治之。

婁全善曰。先期欲產。涼血安胎。過期不產。補血行滯。

虞天民謂先期欲產者。血熱也。當清之。過期不產者。氣虛也。當補之。又有枯胎過月不產者。當大補氣血。

大約二症皆虛候也。宜大補氣血爲主。蓋先期者是氣

血虛弱不能承載其胎。過期者。是元氣不足。不能健運。

其胎經所謂氣化則能出矣。宜培養之。庶無分娩之虞。

孕婦未足而痛如欲產者。知母一味蜜丸米飲下。更縮砂

或槐子蒲黃等分爲末蜜丸酒下二十九丸以痛止爲度。

方當歸補中湯 當歸 川芎 阿膠 艾葉 甘草

人參 黃芪 杜仲 白朮 白芍 北味 水煎

當歸散 當歸 川芎 白芍 黃芩 白朮爲末童便調二錢

補血行滯湯 當歸 川芎 生地 白芍 香附

砂仁 枳殼 蘇梗 水煎



○達生

歌萬物原來達易生。丹溪因此立方名。姪娠九月頻頻服。準擬臨期穩太平。

論丹溪曰。世之難產者。往往見於鬱悶安佚之人。富貴參養之家。若貧賤辛苦者。無有也。古方止有瘦胎散一論。而其方爲湖陽公主而作。見有服者多不効也。予族妹苦於產難。產後每遇胎。則觸而去之。予甚憫焉。視其形肥。勤於針指。揣思旬日。忽自悟曰。此正與湖陽公主相反。彼奉養之人。其氣必實。耗其氣以使之和。故易產。

也。今形肥知其氣虛。久坐知其不運。必氣愈弱。兒在胞胎。因母氣不能自運耳。當補其母之氣。則兒健易產也。令其有孕。以大全紫蘇飲加補氣藥。與數十貼。因得兒而甚快。遂以此方隨母形色稟性。參時令加減用之。無不應者。因名其方曰達生散。

方達生散 大腹皮二錢 當歸 白芍 白朮各一錢

人參 陳皮 紫蘇各五分 甘草炙二錢 黃楊腦七個即黃楊鬚

加葱五莖 春加川芎 夏加黃芩 秋加澤瀉 冬加

砂仁 氣虛倍參 術氣實加香附 易飢倍黃楊葉 稍



○束胎滑胎

歌九月胎肥宜束胎。莫將湯水灌嬰孩。滑胎方藥分勞逸。內補榆皮仔細推。

論束胎者。謂約束其胎而不縱橫。使易產也。古方束胎丸。主之。凡臨月宜食猪脂。不可多飲湯水。及洗頭濯足。宜小勞以運動其氣血。不可太勞以傷其臟腑也。

八月束胎丸 陳皮 一兩 白朮 茯苓 各七錢五分

黃芩 酒炒 春秋七錢 夏一兩 冬五錢 粥丸米飲下五十丸

九月束胎丸 白朮 枳殼 黃芩 甘草 粥丸米飲下三十丸

女科 卷之五
大全曰凡妊娠十月滑胎散服之使易產也分勞逸虛實用之。

滑胎散

枳殼

二兩炒

甘草

一兩炙

爲末湯調二錢服

內補丸

熟地

二兩

當歸

一兩

蜜丸酒服四十丸

榆皮散

榆白皮

甘草

各二兩

葵子

一兩炒

每服用五錢水煎去滓服

○東垣醫集

○弄胎試胎

歌。腹痛非常。曰試胎。弄胎。漏下水漿來。不妨多服芎歸。飲果熟香。飄莫浪催。

論。便產須知。曰臨月腹痛。或作或止。或一二日。或三四日。胎水已來。腹痛無已。名曰弄胎。非當產也。又有一月前。忽然腹痛。如欲便生。名曰試胎。非當產也。凡腹痛。胎水來。與不來。俱不妨事。但要寬心候時。若果當生。痛極不已。腹重而脹。穀道挺併。漿水淋下。其兒遂生。蓋產自有時。如果熟。飄香。瓜熟蒂落也。忌洗頭濯足。

大全曰。漿水先破惡血來多。胎乾不得下。先以四物湯
補養氣血。次煎葱白湯放冷。令坐婆洗產戶。須要款曲。
令其氣上下通暢。更以香油滑石末塗產戶。宜先服催
生如神散。次服神妙乳朱丹。

神妙乳朱丹

辰砂

另研極細末爲衣

滴乳香爲末。猪心血爲

丸。桐子大。晒干。每服一丸。酒化下。端午日合。

腰痛甚時。溫酒化服。令人扶立。產婦兩手各拿石燕

一枚。口念醫靈藥聖七遍。徐行數步。坐草便生。更無

痛苦

○臨產禁忌

孫真人曰。產婦雖是穢惡。然腹痛之際。及未產已產。並不得令死喪。孝服污穢。家人來視之。則主難產。若已產者。則傷兒也。又曰。凡產乳忌反支月。若值此月。當在牛皮上灰上。勿令血水惡物著地。著地則殺人。及浣濯衣水。皆以器盛過此忌月乃止。又曰。凡生產不依產圖。若有觸犯。於後子母皆死。縱不致死。必子母皆病。庶事皆不稱心。若能依圖。無所觸犯。母即康健。子亦易養。欲產時。忌多人瞻視。惟二三老成聰慧之人在傍。俗名達生。

待產訖方可告人。若衆人先知無不難產也。凡產婦不得匆匆忙忙。怕傍人亦須穩審。皆不得預緩預急。及憂悒憂悒。則氣結難產。若腹痛眼中火出生花。此兒迴轉未卽生也。兒出時必穀道挺迸。腰腹痛極不已。乃可努力而生也。產訖弗問是男是女。恐因愛憎傷懷。兒始落地。與產母童便五咽。以防血暈。忌與熱湯。勿令母見穢汚。宜坐起。勿平卧。令人以手熨胸腹。使血下行。忌食熱藥。熱麪熱粥。凡飲食當如人肌膚溫溫。以防血暈也。又忌冷物。以防血滯腹痛也。

○預備藥物

薛立齋曰臨產須預備佛手保氣榆皮黑神大聖花蕊
石等散。神寢催生理中等丸丹及催生靈符人參葵子
石燕黑豆白蜜無灰酒童便社醋米湯瓶鍋及斷臍線
剪之類。花蕊石散爲血入胞衣脹大不能下及血迷聖
藥。佛手散治血虛危症。加味芎歸湯治交骨不開失笑
散治惡露腹痛。醋薰鼻治不省人事。油滑石末塗產門
爲滑胎妙藥。八珍湯接補氣血。皆緊要之藥。必不可缺。
斷臍法。先用線近臍扎緊。帛裹咬斷。如天寒及難產子

